

續修四庫全書



《續修四庫全書》編纂委員會編

續修四庫全書

上海古籍出版社

一三二二・集部・別集類

水雲集三卷

〔金〕譚處端撰

一

棲霞長春子丘神仙磻溪集三卷

〔金〕丘處機撰

三七

元遺山詩集箋注十四卷首一卷末一卷

〔清〕施國祁撰

一〇一

寓庵集八卷

〔元〕李庭撰

三〇五

桐江集八卷

〔元〕方回撰

三五三

剡源逸稿七卷

〔元〕戴表元撰

五〇五

雙湖先生文集十卷

〔元〕胡一桂撰

五三九

山村遺藁四卷

〔元〕仇遠撰

雜著一卷

〔元〕仇遠撰

〔清〕顧維岳輯

雜著補遺一卷

〔元〕仇遠撰

〔清〕鮑廷博輯

附錄二卷補遺一卷附錄續一卷

〔清〕鮑廷博輯

六二七

水雲集序

東牟古牟子之國齊之大郡也戶口浩繁人性質朴東連滄海煙浪雲濤浩渺無涯不知其幾萬里南揖崑崙層巒疊嶂峻極于天不知其幾千丈海山鍾秀人傑地靈異人名士代不乏人宜乎真人仙子相繼而生也譚公先生名處端號長真子吾鄉大族也生而穎悟識度不凡善草隸書為人剛正有操行鄉里敦憚之大定丁亥歲重陽開化妙行真人

水雲集序

飛錫東萊仙遊海上以往契風緣訪尋知友於吾鄉得丹陽子馬公長真子譚公於東萊掖水得長生子劉公又於登州棲霞得長春子丘公結為方外眷屬所謂譚馬丘劉是也相從真人之遊西抵夷門真人付以口訣囑以後事厭世而上昇四子殯葬禮終絮徒而西至終南山即真人之舊隱傳襲其道十有餘年自時厥後各從所之長真先生往來於洛川之上行化度人從其教者所至雲集其

述作賦詠舉筆即成詩頌詞章僅數百篇又述語錄骷髏落魄歌警悟世人皆包藏妙用敷暢真風引人歸善甚有益於時也濟州全真菴主王珣輝等鏤板印行廣傳四方值丙午歲大水漂沒其板散亡掖水長生先生劉公運慈悲心開方便路遣門人徐守道李道微于悟仙等詣吾鄉屬余為序歌再命工發槧以永其傳可謂仁人之用心也竊嘗謂長真先生與余同鄉里年相若而志願同初為

水雲集序

兒童之戲長為朋友之遊而先生中年遇師學道蟬蛻登真余蒼顏華髮尚區區於名利之場甘分待終隨物衰謝何其愚也余將掣肘捐老牛舐犢之愛去硯鼠畏人之貪逍遙於自得之鄉笑傲於真閑之境學先生之道誦先生之大高養天和以寄餘生未審先生異日有舊遊之念肯乞飛霞佩乎嗚呼先生已羽化矣後之學者不能見先生之步趨聞先生之謦欬其玄機妙旨遺範餘風詳味斯

水雲集

〔金〕

譚處端
撰

據明刻本影印
書版框高一一八八
毫米寬二五〇毫米

文則可矣大定丁未歲正月望日東牟州學
正范懌德裕序

水雲集卷上

崑崙山長真子譚處端述

七言律詩

題洛陽朝元宮

宮門寂寂鎖祥煙古跡靈蹤尚儼然雲罩連
枝烹藥鼎霞生靈井溉丹泉日魂煉就華胥
國月魄收將不夜天紫詔師真歸去後未知
孰繼大羅仙

遊靈山寺

閑閑雲水訪禪林密密琅玕映碧岑玉桂峯
高塵不染靈山寺隱境難尋媿交白雪勻鋪
玉間隔黃花亂點金清徹古潭秋靜夜桂華
獨現本來心

遊劉公花園

衆賢邀我賞芳菲雨霽晴明獨過扉倚檻壯
丹爭秀麗繞庭蛺蝶閑高飛風吹柳眼無情
意雨洗花心絕是非萬物盡盛春一氣無私
普布吐蕃蕃

贈新中郭四翁

幾人到得白頭翁生老病沉是始終濁穢腥
羶除毒羹慳貪嫉妬轉昏蒙有憎有愛難超
世無慾無情定脫空幸有天堂地獄路聖凡
速悟總由公

贈雲陽程仙

脩行大畏是頑銅如著頑銅沒行功心起妄
塵沉地府意常清靜步天宮須依貧樂同類
子莫要慳貪愛鄧通學取終南師叔馬赤窮
窮地堵環中

贈鄭仙

捨俗幽居物外菴潛心滅跡絕論談妙除濁
穢清貧樂用滌無明淡素甘蓬戶不局何所
礙一瓢常飲為忘貪安神寂默愉然坐認透
星光日月三

贈韓家郎君在家修行

崇真起善立玄堂謹奉朝昏兩炷香內侍孀
親行孝道外持真正合三光常行矜憫提貪

困每施慈悲挈下殃他日聰明如省悟也應
歸去到仙鄉

贈門人安然子等

風子微言啓衆曹等閑休把氣神勞欲求海
底成多寶須鍊山頭絕一毫心逐有情傷氣
火意遊攀愛害神刀頭公早悟虛華境免向
人間再一遭

贈楊姑

投玄八十道姑楊一朵瓊花秋後芳玉盞滿
添清靜水金爐瀝蕤慧靈香如今已獲將來
福從此何疑過去殃寂湛虛堂無罣碍自然
寶品現霞光

題孔先生壇中

空門寂寂鑠靈泉喜趣靈泉玄上玄僻靜每
招閑客至幽居常共馬風眠清涼境界超塵
路履此方知別有天行者肯來低處覓便教
瞥地見神仙

贈濬州王三校尉

王公吉善愛玄流勸我勤勤倒玉甌積善迄
於心上起壘功須向性中求利他損已通真
理忍辱慈悲達妙幽平等順和常大道三人
同上大神丹

題雲溪菴

雲溪高隱臥煙霞默飲陽精與月華霧歛丹
臺生瑞草雲收靈腑結瓊葩青龍吐火烹金
茗白虎跑泉溉玉芽龍虎媾交功九轉刀圭
一粒捧丹砂

述懷

自慕貧閑採妙機便知身入白雲飛逍遙物
外超塵網脫灑懷中解垢衣恐損除功搜已
過慮傷道德快人非他時九轉丹砂就同約
三仙從我歸

又

挫銳摧彊作善良頽然心法兩俱忘鼎中頻
起金剛焰爐內常燃般若香玉藥乍芳惟獨
採蟠桃初熟與先嘗莫言迢遶華胥國了了

空虛路不長

又

一條捷徑入仙源洞口靈雲霞翠巖風浪起
時揮慧劍玄波澄處採金蓮蛟龍降去離宮
卧猛虎擒來坎户眠二物定閑人事盡功圓
行滿產胎仙

又

為慕仙源景物長滌除靈地布瓊芳南宮赤
子居涼殿北海烏龜住絳房清靜洞中因白

虎無為山上牧青羊自從鼎內雲收後常飲
醍醐卧醉鄉

又

寂寥瀟灑道人家守弱隨緣度歲華禦冷
衣唯紙布充飢淡飯有麤茶忘言淡薄人前
達絕慮幽閑道況賒有戀妻兒名利者限臨
猛悟悔如麻

又

天機深遠少人知一粒刀圭午上持霧捲古

潭秋靜夜雲收碧嶂月明時蛟龍捉得因辭
鼎猛虎擒來鑊坎池煉就仙丹超造化去奔
蓬島禮真師

又

瑟瑟飄飄風入松遨遊物外共仙同性如朗
月流青漢心似閑雲任碧空猛虎擒來因坎
戶蛟龍降去鑊離宮周天頻起金剛焰鍛鍊
爐中一粒紅

又

光明一點照樓臺了了無生絕去來七寶山
頭紅焰滅三宮靈地白蓮開煙霞紫府應將
到雲路瀛洲去不迴不夜玉京誰有分長春
仙子四人陪

又

青蛇三尺袖中攜一粒丹砂結正時霧罩清
溟囚馬子煙籠碧嶂鑊猿兒千朝行滿龍投
火九轉功成虎入池奪得虛無真造化天機
深遠少人知

又

慾情巧勝染多言悟此方離種種遙慾斷情
忘通妙理煙消火滅達幽玄口張古舉功難
就意出心生行怎圓絕了人情無箇事寂寥
孤淡任殘年

又

真功真行密安排十載殷勤細細裁俗境心
忘超彼岸凡情意滅到達萊地埋寶劍光衝
斗畔隱明珠暗養胎脩鍊須憑真造化欲窮
造化鍊心灰

示門人

出得俗家入道家恰如平地步煙霞塵寰物
裏光陰短仙境壺中日月賒落魄水雲真活
計虛無清靜善生涯常觀無慾人情遠不覺
爐中結大砂

又

守一真持認內關精勤苦行鍊心端玄元有
路非容易方寸無塵也不難十二時中常覺

察三千功裏莫欺瞞前程如覓無來去深作
無人無我觀

又

推強挫銳做修行滅我降心斷世情默默琢
磨除俊辨昏昏鍛鍊去程惺無明起處真靈
暗系弱生時道眼明每與無明經間戰一迴
思是一迴羸

又

滅惡除情作善良好將名利兩俱忘山頭潑

水雲集卷上

八

殺無明火靈室常添般若香塵垢盡除明鏡
現荒蕪如去玉蓮芳修行莫厭華胥遠了了
虛空路不長

又

修行須要認靈源認出靈源一點鮮情慾永
除超法界癡癡滅盡離人天休生顛倒貪諸
有莫起塵心染衆緣空寂性中無罣碍自然
閑裏產胎仙

又

虛堂默默養心香便是吾門真道場走入虛
空尋自在撥除煩惱覓清涼象憑離坎安爐
竈卦按周天鍊白黃永永綿綿依此做功成
九轉結鉛霜

又

修行休向法中求著法尋求不自由認取自
家心是佛何須向外苦週遊靈源慧照塵休
昧應物般般意莫留兩道清風開玉戶一條
銀燭出山頭

雲集卷上

九

自說

從初割愛做修持守一清貧志不移竹笠羊
皮常伴伴破衲腋袋每相隨肥羊細酒全無
受淡飯殘羹且療飢木碗乞錢新出待梳
猶是出家時

暢道

雲水遨遊物外仙刀圭一粒斷塵緣真空結
就三田寶妙用圓成五葉蓮火滅煙消因鍛
鍊心清意靜為精專逍遙放蕩長真子萬里

飄飄般若船

又

雲水道遙逐處家任他鳥兔易年華閨中慧
水添金鼎靜裏靈田種玉芽海底養成紅芍
藥山頭結就白蓮花我今說破超塵寶本有
如如即大砂

又

雲水道遙物外仙閑閑靜靜本來天存心滅
我開金鑠損意忘情折玉蓮彼岸岸頭搜密

妙靈山山裏得良緣丹成九轉清風送解纜
飄飄般若船

繼胡子金先生韻

修行非易亦非難薄外願真認內閑憎炙火
坑急出離清涼道岸早躋攀常觀無欲通玄
理妙趣虛無絕愛慳清淨無為全在志存心
弱固寂寥間

寄姚先生

受人欽重是譚哥結罪重重在網羅省過悔

前孽自少知愆不改罪還多心生貪好招災
甚意着浮華積罪過損損存存伏下做未知
賢聖肯饒麼

歲頭折字

其一

袍布素理幽機甲金庚鍊玉飛氣相交須換
般丹運就復更衣開真性頭頭是悟元初種
種非姪處名師叔鈺蓮四朶步雲歸

其二

頭頭浩浩湧靈泉湛澄澄照上天道要除情
與慾忘境滅積功千分把捉休邪覓本元初
合自然鍛鍊成無價寶京重會害風仙

其三

兀騰騰任自然中涌出白花蓮朝鍛鍊無窮
寶志真修合上天道割除情慾斷刀劈破孽
因緣莫向靈源掛結神胎管得先

七言絕句

遊華山

糲食麤衣度歲華白雲高卧隱煙霞心香福
炷靈源起定觀蓮峯十丈華

在淇門鎮為衆人每日求藥因此作

智術多能巧作愚無為守一養靈珠翛然頓
覺塵勞夢獨飲無生酒一壺

詠孤竹

一竿碧玉出芳叢直節虚心衆莫同耐雪欺
霜堅歲月自然時復有清風

詠月桂

綠葉柔莖結翠紅精神朶朶弄晴風歲寒堅
耐同松竹盡占年光造化功

詠鶴

亭亭獨立對秋風黑白分明造化功休訝得
延千紀壽為他頂上結丹紅

三教

三教由來總一家道禪清靜不相差仲尼百
行通幽理悟者人人跨彩霞

述懷

不會搜空向外尋蛟龍猛虎倒顛擒朝昏頓
慢修香火十二時中只禮心

又

昏昏默默探玄玄清靜無為守自然真性得
疑真氣助無窮變化可冲天

又

我今雲水是前期細細常觀八句詩若要延
齡增壽算金精專固認真慈

又

一月二十九日飲百年三萬六千場世間盡
不聞吾事歸去來兮入醉鄉

又

從前頑惡騁驪豪今日存心望孽消十二時
中常覺察知他天地肯相饒

又

蛾戀燈光焰不知魚貪香餌亦如斯蛾魚
烟君知否好向祇園寄一枝

又

譚馬立劉四箇師逍遙自在做修持周天磨鍊無窮寶一片靈光自得如

又

古佛靈巖是我家清涼境界絕憂嗟道人活計無他做唯採三光鍊碧霞

又

如今識破戀燈蛾愛餌迷魚戲黑波本是一團腥穢物塗搽模樣巧成魔

遊懷川

水雲集卷上

十四

了了心源萬事休此玄玄外更何求便便大肚應無深且向懷川任意遊

又

為官清政同修道忠孝仁慈勝出家行盡這般功德路定將歸去步雲霞

又

雲耕寶陸三千里月破黃昏十萬家清夜碧潭澄皎潔蚌吞銀燭產胎砂

贈張殿試

百歲光陰如閃爍殷勤爭似修仙約假饒一舉狀元歸正悟黃梁夢裏錯

五言律

贈長安趙先生母

牙髮重生黑迨齡三事因至誠導道友精謹奉高真靜意擒猿馬清心聚氣神處端聊拜上稽首壽長人

勸教修持

聽我洗心方豁然滋味長無無中妙用有有

水雲集卷上

十五

內含光人被慾情染情生神氣傷人還情慾斷步步履仙鄉

五言絕句

勸衆修持

學道假除假修真空鍊空本源歸一處明月與清風

又

酒色氣財盡憂愁思慮忘攀緣愛念絕五葉玉蓮芳

又

大道常清靜無為守自然自心不迴轉何處覓言傳

又

獨坐若環養孤清味最甘條然無一事默默守三三

又

採得波羅葉製成般若茶湯澆清淨水吸罷見黃芽

又

常觀慾為苦瓦礫變黃金觀身如糞土明月照瑤岑

又

心生清爽少語默氣神和清淨消諸孽無為解衆魔

詠曉雞

啼落城頭月呼將日出東妙哉真德行喚覺夢中翁

戒筆

絕筆塵方盡忘言道可親摩開真道眼損了假精神

頌

其一

學道修真與世遠孤身飄逸斷逢飛隨緣且過消前過視死如歸一不歸垢面蓬頭摧壯銳羸衣淡飯遠輕肥常清常靜無為作十二時中暗察思

其二

把捉詢予付少言本來無法可相傳是非絕盡方通妙人我俱忘始悟玄清靜貪閑為伴侶氣財酒色似離冤今生若要登雲路不合虛無不得仙

又

寶殿玲瓏倚碧空端嚴慈像瑞雲籠三十功裏勤香火十二時中禮聖容真體垢除因鍛鍊靈嚴煙散為玄風閑閑鼎內雲收處一粒

丹砂結就紅

又

十年常默默今日露玄機水生赤鳳子火養
黑龜兒清風吹嶽頂明月照寒溪降魔神劍
親傳得捉住蛟龍把尾提

又

心涼腎熱得修持悟此方知達妙機十二時
中無作用馬猿放蕩損靈芝

又

毛吞大海誰人解芥納須彌幾箇知日用居
常知損益功圓行滿見菩提

又

酒色財氣一大關意情滅盡出塵寰絲毫莫
向靈源掛如掛靈源不結丹

又

六年鍊盡無明火十載修成換骨丹湛湛虛
堂無罣碍已知跳出死生關

又

恰十年來學得痴騰騰兀兀任東西欲詢風
子修行事垢面蓬頭火滅時

又

野鶴孤雲無伴幽玄至妙忘談默默昏昏獨
守湛然秋月寒潭

贈薛八郎

又

靈物常閑假身不病清淨自然性停住命

雪山六載面壁九年道非容易成佛成仙

贈穆先生

水雲集卷上

九

太華山陰穆老仙專持清靜探幽玄修補祇
陀無漏園常流慧水溉心田擒猿縛馬翠峯
巔定觀不用買山錢捨俗投玄心契悟善惡
之由夙世緣心香福炷起靈源杳杳冥冥達
上天秋月碧潭真了了野花啼鳥護喧喧鼎
中火滅開金葉木上無煙結玉蓮壘功積行
滿三千性圓丹結去朝元

歌

其一 無相

採得玄珠非貨貝靈山一道香煙快熏成無
漏步無生五道霞光攢慧蓋這靈靈處處在
妙用虛空無內外無有皆空空亦空法相果
因俱泯愛種種離超三界覺即如來頓明解
尋文理義謾區區說聖談賢還捏怪不修完
無毀壞境滅心忘觀自在恒沙瑩徹則塵埃
出入無疑為妙最獅子兒祇園內怒吼狐狸
安敢對明月堂前玉蕊芳氣氤結就金蓮會

小雲集卷上

十

其二 骷髏

點惺惺祛聰解本來自有何須買山頭浩浩
涌靈泉流出虛空無證背遇重陽明教誨也
無進兮也無退自從入妙認貧閑便知滅了
前來罪絕討論去知解藏伏光輝如暗昧任
他烏兔兩忙忙且這隨緣寄皮袋

日作骷髏爾聽取七寶人身非易做須明性
命似懸絲等閑莫逐人情去故將模樣盡呈
伊看伊今日悟不悟

其三 落魄

我落魄我落魄渾身紙布為衣著擺手行來
萬事忘且喜一身空索索飢時餐困時睡元
初本住清涼地慧劍輝輝奪日光無限邪魔
皆遠離樂真閑成真趣邪徑荒涼我不去真
靈別正漸分明超然走上煙霞路得真修應
了徹實即得時無可說水晶宮殿鎮安閑勘
破春花與秋月

小雲集卷上

十一

又

我落魄我落魄衲布衣常恁著信意飄飄
物外遊到處空空無倚托或居山或城郭不
會書符并貨藥飢即巡門覓一餐飽來萬事
齊拋却處閑閑無用作人情細細須除削龍
虎嬰姁總不能默默醞醞常飲酌不作善不
生惡坐卧去來空索索一片清閑冷淡心從